



27.

POSITIONUM CONTROVERSARUM,

EX JURE FEUDALI,

&

MATERIA DE SUCCESSIONE FEUDI.

1665-15.

depromptarum,

DECADEM

34

PRÆSIDE

ERICO MAURITIO,

U. J. D. & Prof. Publ.

disputandam proponit

FRIDERICUS Plater /

Eques Livonus.

Ad diem Mens. Julii,

horis mat.

In Auditorio Jctorum.

TUBINGÆ,

Typis JOHAN-HENRICI REISII,

ANNO M DC LXV.





I.

Egitimatos, etiam per subsequens Matrimonium, ipso Iuris Feudalis textu in 2. F. 26. §. *Naturales*, à Feudis removeri Bronchorst, Vultejus, Sonsbecius, Fornerius, Hotomannus, Antonius Cōtius, Rittershusius, Niellius, Struvius, Ludwellus, Reusnerus, Carpzovius asserunt. At ejus dispositione non comprehendi, Jacob de Belviso, Andreas de Isernia, Baldus, Alvarottus, Schrader, Hartman Pistoris, Bocer, Zasius, Curtius, Rosenthal, Finckelthufius, Gudelinus tuentur, quam communem esse Clarus voluit. Nobis priorum sententia, si de textu & dispositione juris communis Feudalis quærat, non immeritò arridet. Cæteroquin usu servatur, ut perindè ac legitime nati admittantur ad Feuda: quod in Camera ita receptum, Mynsingerus & Gailius: praxi Saxonica probatum Schulzius; verius esse hodiernis moribus Fridericus Sande, & Cyprianus Regnerus ab Oosterga in notis ad Bronchorstium; eamque sententiam usu servari & servari debere Vultejus, ab eaque in judicando & consulendo non recedendum, Schurfius, ac, (quamvis non nihil dubitans) Ludwellus existimant. Nec aliter de moribus & consuetudine sentiunt janus ab Arcedura, Dn. Struvius, ac Reusnerus. Quamvis & illud observarint Hartmannus Pistoris, Hahnus ad Wesenbecium, & Struvius, nonnullis in locis speciali constitutione etiam legitimatos per subsequens matrimonium à Feudorum successione prohiberi.

A 2

Cleri-

I I.

Clericos, si per Substitutum servire velint, in Feudis succedere, glossa, & Scenk Baro quidem voluerunt, quod nuperrimè acriter contra Finckelthusium defendere tentavit Quirinus Cubach. Certioribus argumentis illi nituntur, qui jure Feudali communi ad successionem illos regulariter non admittunt: cum quibus faciunt, post veteres Ludwello jam nominatos, Vultejus, Bocerus, Reusnerus, Schultzius, Carpzovius, Finckelthusius, Ludwellus. Quin & Saxonicum jus Feudale, quale id olim erat; cujus ista in eam rem verba sunt: *Pfaffen und Frawen die sollen Lehenrecht darben: & Imperialis Camerae Assessores hanc ut veriorem probasse Mynfingerus tradit. Hodiè tamen passim moribus invaluisse, ut & Clerici succedant, & servitia per substitutum præstent, saltem in præcipuis Europæ Regnis & ditionibus non absurdè aliquis dixerit, cum in Germania id Consuetudine receptum Vultejus, Hantton, & Rosenthal: in Italia, Menochius: in Gallia Baro & Chassanæus notent: & quæ ex antiquo Saxonico Feudali jure adduximus modo, per Novellam Electoris Augusti in Electoratu isto mutata sunt, part. 3. Constit. 28. Atque hanc praxin probat etiam jus Feudale Livonicum, cujus in ineditâ hactenus Sylvestri ArchiEpiscopi concessione des *Erb und Snadenrechts* de anno 1457. ista verba sunt: *Derglicken Snadt dhon rote ock allen Clericken und Presterschaften in unserm Reichte Riga beseten / und ock in den andern Reichten / und under dem Brodwürdigen Meister und sinen Orden so de unser Domheren Presterschaft und Clericken mit En in glicker wise Erwen mogen. Andere Geistliche und begewene Lude beyder Konne söhlen in diese begnadingt nicht sin beschlaten / und desülvigen**

desülvigen geistlichen / de so Erwen werden / de sollen uns /
 unser Naekömling und unser Kercken glichsamb de wert-
 lichen Ritterschap und Wanschap alle Plicht und Dienst
 durch sich edder andere als en dat thomen wert / schuldigh
 sin tho dhonende und plegen.

I I I.

Si Princeps Vasallus alterius, duos habet filios, u-
 num ante, sed alterum post acceptum Feudum Regale
 in lucem editum, quem primogenitum dicemus, & ad
 successionem admittendum existimabimus? glossa alicu-
 bi, Jacobus de Belviso, Cynus, Alvarottus, Johaⁿes Faber,
 Zasius, Niellius, apud Dn. Ludvvellum, post acquisitum
 regnum vel principatum natum præferunt. Jacob de
 St Georgio, Baldus, Rebuffus, Antonius Corsetus in
 tract. *de potestate & Excellentia Regum*, (secundum com-
 munem, ut ait DD. opinionem) & Scraderus distin-
 guunt, hereditario jure Feudum per successionem ac-
 quiratur, an alio modo: priori casu etiam antea natum
 posteriori præferunt; secundo, eundem post genito ce-
 dere volunt. Rittershusius post Hottomannum eo re-
 spiciendum putat, de primo genito simpliciter, an Prin-
 cipis vel vasalli, in legibus statutis vel pactis mentio sit?
 priori in casu primo in lucem editus ex mente ipsius suc-
 cedit, secundo alter, natus demum post collatam digni-
 tatem & Feudum. Nos cum Barone Scenkio, Bocero,
 Gomezio, Covarruvia, Tiraquello, Treutlero, & ad
 ipsum Bachovio, Arnisæo, Hugone Grotio, qui rem è
 variarum Gentium praxi eruditè explicat, Ludvvello,
 Finckelthusio, simpliciter primogenitum dicemus &
 præferemus, qui primo in litem editus, DEI & naturæ
 ac legum quoque beneficio primus in Feudis Paternis
 & legitimus successor est.

I V.

Collateralium in Feudis nullam jure communi Feudali successionem esse, Hotomannus, Gyphanius, Vultejus, Setzerus, ac etiam Snobelius perhibent. Verior tamen est glossæ, Schraderi, Sonsbecii, Zafii, Rittershufii, Borcholti, Jani ab Arcedurâ, Carpzovii, Schultzii, Ludwellique sententia, qui eorum successionem agnoscunt. Jure tamen Saxonico expeditum est, collaterales nisi simultaneousè investiti sint, à successione in Feudis excludi. Quod & ita jure Feudali Livonico constitutum videtur. Articulo enim tertio Resolutionis Regiæ Gustavi Adolphi datæ in castris prope **Werben** die 13. Augusti Anno 1631. hæc expresse leguntur, quæ subjicimus; **Es wollen ihr Königl. Mayest. unter den veris Dominis in dem gewonnenen Etestand niemand als die in descendente & ascendente Lineâ Masculini generis seindt &c. verstanden haben &c. Im Vbrigen sollen die bona ins gesampt jure Feudi Masculini censire werden.**

V.

Guilhelmus Fornerius Fratres Consanguineos à Germanis in Feudorum successione propter vinculi duplicitatem excludi scribit. Nos, ut cum Sonsbecio, Niellio, Vultejo, Snobelio, Everhar-do Bronchorst, in feudo fæmineo & absolutè hæreditario id admitti posse concedamus; in aliis tamen non possumus eidem adstipulari, sed negativam potius, quam & communem dixit Schraderus, cum autoribus antiquis, quos magno numero adduxit Ludwellus, ac ijs, quas ante nominavimus, tum Sneidwino, Hartmanno Pistoris, Carpzovio, Neostadio de *Feudi Hollandici Successione*, amplectimur. Neque de jure solum communi, sed etiam Saxonico Feudali eam verissimam esse cum Hartmanno Pistoris, Carpzovio, Struvio persuasi sumus.

V I.

Jure Feudali quomodo gradus computentur, ambiguum fecere Doctorum dissidia. Peculiarem, ac à Civili & Canonicâ diversam computationem Bocerus invexit. Canonicam Fachinæus, Hartman Pistoris, Hotomannus defendunt. Nos pro Civili computatione graduum cum antiquis plurimis à Ludwello adductis, quam & probat Rosenthal, Niellius, Snobelius, Vultejus, (qui ante Hottoman-

mammum à nemine rem hanc in dubium vocatam ait) Reufnerus (qui eam in Camera approbatam & receptam asserit) janus ab Arcedura, Finckelthufius & Dn. Struvius pugnabimus.

V I I.

Si Vasallus alicui Feudum legaverit, an saltem æstimatio debetur? ita existimat Donellus, Hunnius, Mantica, Valentinus Riemerius, Dn. Carpovius, & Dn. Ludwellus. Nobis, cum DD. cæteris, Alvarotto, Matthæo de Afflictis, Jacobino de St. Georgio, Curtio juniore, Claro, Rosenthalio, Rudingero, Ritterhufio, Sonfbecio, Mozzio, Jano ab Arcedura, Heigio, Vulteio, Obrecht, Bocero, Hakelmanno in addit: ad Sneiderwinum, Scultzio, Finckelthufio, Dn. Richtero & Dn. Struvio regulariter aliud videtur. Si tamen abundè constet de voluntate testatoris, volentis æstimationem eo casu præstari, illa præstabitur, ut rectè Struvius notat, non quidem à successore Feudi, sed bonorum, quomodo id cum Schradero, Obrecht, Schultzius etiam observavit.

V I I I.

Fœminam semel ad successionem admissam, si deinceps accedat Masculus, excludi nonnulli putarunt. Unde Andreas de Isernia Materteram per Nepotem ex sorore excludi vult, eamque opinionem in secreto (ut loquitur) juris veriore seputare scribit Jacob. de St. Georgio, & probat Forsterus. Nos, ut (fatente ipso Jacob. de St. Georgio) non dubitamus oppositam sententiam communem esse, & secundum quam in judicio pronuncian- dum sit: ita eandem etiam juri magis congruere agnoscimus cum antiquis, (quos recensuit Dn. Wurmserus in Tractatu de Feudis impropriis.) Rosenthalio, Schradero, Vultejo, Jano ab Arcedura, Struvio, Ludvvello, Snobelio, Finckelthufio, Wurmsero. Si tamen quis uxorem prægantem reliquisset, eaque deinceps masculum vel fœminam peperisset, aliter pronuncian- dum judicamus, cum Jacob de Belviso, Scenkio Barone, Vultejo, Sceplitz & Dn. Wurmsero.

I X.

Semel per Masculum exclusa non propterea in perpetuum exclusa intelligitur, ut rectissimè docent Martinus Laudensis, Jacob

eob de Belviso, Ardizo, Sonsbecius, Heigius (qui ita in Collegio
 Juridico Wittenbergensi pronunciatum ait ,) Hermannus Vul-
 rejus, (qui in eandem sententiam in Collegio Juridico Marpur-
 gensi pronunciatum perhibet) Finckelthusius (qui ita respondit
 in Lipsienses) & Befold, (qui Tubingenses Jctos approbasse
 testatur) Hartman. Pistoris, Julius Clarus, Wesenbecius, Mynsin-
 ger, Plebst in Disp. Feudalibus, Arumæus, Niellius, Schultz, Fri-
 dericus à Sande, Obrecht, Rudinger, Suevus, Snobelius, Lud-
 vvellus, Wurmserus. Atque Carpzovius Jurispr. Forensis part. 3.
 Constit. 28. defin. 15. negativam *rationibus & argumentis tam fir-
 mis propugnasse Jctos excellentissimos scribit, ut qui relictis hisce fru-
 gibus adhuc glandibus vesci malit, vix inter prudentes locum tueri
 suum possit.* Plurimos tamen etiam opposita sententia patronos
 habuit, Andream de Ifernia, Jacob Alvarottum, Matthæum de Af-
 flictis, Zafium, Scenk Baronem, Mozzium, Curtium Junio-
 rem, Borcholt, Gothofredum Antonium, Knichen, Schraderum, Bo-
 lacum, ac quod imprimis miror, (quodam ut videtur memoriae
 lapsu) ipsum Dn. Carpzovium in disput. Feudalibus disp. 5.
 thes. 58.


X.

Soli si sint fratrum filii, ad quos pertinet Feudi successio, an
 in stirpes succedent, an vero in capita? Successionem in stirpes
 probat Accursius, Bartolus, Castrensis, Baldus, Alvarottus, Cur-
 tius junior, Sonsbecius, Gudelinus, qui Hotomannum consen-
 tientem laudat, Cyprianus Regneri, qui etiam Clarum, Anto-
 nium Fabrum, & Fridericum à Sande pro hac opinione nominat,
 è quibus tamen postremus immeritò adducitur, cum judicium su-
 um suspendat. Nos cum plurimis à Ludvvello nominatis, qui-
 bus addi possunt Bronchorst, Reusnerus, Carpzovius
 Finckelthusius, Struvius, eos succedere in
 capita tuebimur.

X 2615924

7V 9A





B.I.G.

Farbkarte #13

Blue Cyan Green Yellow Red Magenta White 3/Color Black

Inches

Centimetres

ERSARUM,

DALL,

UCCES.

DI.

M

RITIO,

ubl.

Plater /

ii,

REISIL

24.

1665, 15.

34